



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

Epistola Dedicatoria.

**urn:nbn:de:hbz:466:1-45256**

ILLVSTRISSIMO,

AC REVERENDISSIMO

*D. Gasperi Quiroga, Archi-*

*episcopo Toletano, summoque*

*Consilij sanctæ Inquisitionis*

*Præsidi, Alphonsus Deca,*

*Theologus Societatis IESV,*

S. P. D.

**F**RANCISGVS Bor-  
 gia Dux Gandiæ,  
 antequam se ad no-  
 stram Societatem adiūge-  
 ret, libellos quosdam ad sui  
 profectum scripsit, rudimē-  
 ta continentes ea, in qui-  
 bus se ipse adhuc tiro exer-  
 cebat ad pietatem. Qui  
 cum amicis nōnullis com-  
 municati, quod essent &  
 Y s fan-



sanctissimis documētis pleni, & à viro illo profecti, qui genere esset, atque vitæ splendore clarissimus, magnam in primis admirationem habuerunt. Nam cum Francisco proauorum sanguine illustrissimo, & multis, magnisque per amplæ familiæ, ac proprij dominatus negotiis implicato, & in aula Regum, & gratia educato à puero, de canibus, de equis, de accipitribus. Principum virorum more, nō de moribus, atque virtutibus, deque orandi, meditandique ratione tractationes congruæ viderentur; & ab illo ciuilia



lia potius quam religiosa,  
militaria magis expecta-  
rent homines quam spiri-  
talia, & ea quæ specie sua  
fallaci perstringunt impe-  
ratorum oculos; non ea  
quæ, depulsa animis offusa  
caligine, pectora nostra  
complent clarissima luce,  
& ad bene, beateque viuen-  
dum iuuant: hæc ab ipso  
sapiēter conscripta (Quod  
præter opinionem homi-  
num accidissent) admi-  
rabilia multis sane sunt  
visa. Itaque FRANCIS-  
CO ipso inscio, atque in-  
uito, libelli in vulgus editi  
Hispanice, typisque etiam  
excusi sunt. Intellexerunt  
ni-



nimirum homines, non esse angustis DEI gratiam finibus circumscriptam, neque cultu corporis tantummodo, & habitu virtutum pondera æstimanda. Nam ut sub vili palliolo latet sæpe sapientia; sic sub holosericis interdum, atq; aureis vestibus humilitas, sui que contemptio inclusa est, atque humanarum rerum despicientia. Quod si unquam alias in Francisco certe nostris temporibus vidimus: qui ætate florēs; Regia stirpe natus, opibus, copiis, liberis, amicitiis, clientelis abundās, magna Regis sui, & hominum laude publicis  
mu-



DEDICATORIA. 541

muneribus honorifice per-  
functus, rebus denique o-  
mnibus, quæ in bonis vul-  
go numerantur, ad volun-  
tatem fluentibus, quæ ipsi  
fuerant lucra, hæc arbitra-  
tus est propter Christum  
detrimenta; mundique o-  
mni inanitate reiecta, pau-  
pertatem diuitiis, asperita-  
tem deliciis prætulit; aulico  
splendori humilē squallo-  
rem, potentiaæ sui ludibriū  
longe anteposuit: & nu-  
dus nudum Christum se-  
quutus, in eo se abiectio-  
nis statu collocavit, in quo do-  
cuit grauissimo exemplo  
pictis, & adumbratis vera,  
& solida, caducis sempiter-  
na in-

*Philip. 3.*



na infinitis partibus antecellere; cœlestia terrenis, humanis diuina. Præterit enim verè figura huius mundi, vt ait Paulus: & id quod in præfenti est (vt idē scribit) momentaneum, & leue tribulationis nostræ, supra modū in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur, quæ enim videntur, temporalia sunt, quæ autē non videntur, æterna sunt. Franciscus itaque aspiciens in autorem fidei, & consummatorem IESVM, qui proposito sibi gaudio sustinuit cruci-

*1. Cor. 7<sup>o</sup>*

*2. Cor. 4.*

*Hebr. 12.*

cent,



cem, confusione contem-  
 pta; maiores diuitias æsti-  
 mans thesauro *Ægyptio-* *Hebr. 11.*  
*rum* improprium *CHRIS-*  
*TI*; exiuit extra castra il-  
 lud portans, præclarissi- *Hebr. 13.*  
 mum nobis ad imitatio-  
 nem, posterisque omnibus  
 exemplum relinquēs. Hu-  
 ius igitur viri libellos (quos  
 supra commemorauimus) ve-  
 rè Catholicos, verè pios,  
 de Hispano sermone in La-  
 tinum conuersos denuò  
 in lucem emittimus. Pri-  
 mum quidem, ne tanti vi-  
 ri memoria temporum ve-  
 tustate obsolescat: deinde,  
 vt constet quibus quasi  
 gradi-



gradibus ad tantam virtutum excellentiam peruenit: postremo, ut quibus praeluxit vitæ exemplo, eos quoque doctrina instruat, & non solum presentibus proferat, sed etiam futuris. Habent enim multa, ex quibus, si studium diligens, & assidua exercitatio accesserit, magna percipi possit utilitas. Latina autem hæc opuscula euulgamus, quo fructus latius eorum pateat, & non tantum ad Hispanorum, sed ad exterorum etiam manus perueniant. Tibi autem, Præsul illustrissime, hæc dicamus, tū quoniam in ista quasi vigilia fidei

dei  
fide  
fren  
rabi  
lupo  
gion  
quid  
Reli  
scur  
tagi  
tibi  
vigil  
uide  
est, v  
piet  
tum  
lami  
que  
tur b  
prop



dei Catholicæ tuendæ præ-  
fides, & truculentam circū-  
frémentium hæreticorum  
rabiem, qui sub ouina pelle  
lupos tegunt, à nostris re-  
gionibus procul arces; & ne  
quid Apostolicæ atq; auitæ  
Religionis candorem ob-  
scuret, aut inficiat, neue cō-  
tagione serpat, pro officio  
tibi diuinitus dato, summa  
vigilantia atq; sapiētia pro-  
uides: (& iustissimum sanè  
est, vt te omnes grata animi  
pietate colant, in quos tan-  
tum, tam turbulentis, & ca-  
lamitosis temporibus, tam-  
que eximium abs te cōfer-  
tur beneficium; tum etiam  
propter singularem meam  
in te



in te obseruantiam, eamq;  
 excitatam virtutum tuarū  
 admiratione, & summa tua  
 in nos beneuolentia, & per-  
 petua nostrę Religionis de-  
 fensione, quam, ex quo pri-  
 mum fermè cœpit, pera-  
 manter suscepisti. Itaque  
 nō magis mihi propria est,  
 quam communis cum o-  
 mnibus nostrę Societatis  
 hominibus. Sed quoniam  
 omnibus singulatim hoc  
 facere nō licet, ego & meo,  
 & eorū omnium nomine,  
 hoc munusculo testari vo-  
 lui, quantum tibi in Christo  
 & debeamus omnes, & cu-  
 piamus.      Vale. Complu-  
 ti.

TRA.